

國朝詞綜續編

國朝詞綜續編卷六

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳堃 增訂

錢塘 諸可寶 校勘

永康 胡鳳丹 監刊

周之琦 三十四首

屠倬 五首

趙植庭 三首

蔣澐 一首

徐保字 三首

李紹城 一首

黃安濤 四首

吳慈鶴 三首

葉申薌 二首

孔昭恢 一首

孫若霖

五首

張應昌

五首

沈濤

二首

章

補二首

周之琦

字樞圭祥符人嘉慶十三年進士官廣西巡撫有金梁夢月詞

黃韻甫云夢月詞渾融深厚語語藏鋒北宋

瓣香於斯未墜

蝶戀花

門外垂楊千萬縷不繫春光只繫春愁住文杏巢空雙  
燕去紫簫聲裏屏山暮恨別江郎渾懶賦一抹煙痕  
舊約無尋處五里東風三里雨薜蘿吹冷天涯路

聲聲慢

借邵季若自窯臺步至江亭菰蒲蕭蕭殊有濠濮間意

鉤藤礙屐帶草牽衣循途恰轉回塘境曲幽尋疏磬漸  
引雲房翛然半郊半郭浣塵纓慣詠滄浪聽醉語只山

僧一笑識我清狂  
回首前游幾日又西風吹換石冷  
苔荒倦柳依依猶戀澹薄秋光沙鷗漫留後約怕重來  
老卻斜陽歸未得但憑高還睨舊鄉

踏莎行

勸客清尊催詩畫鼓酒痕不管衣襟污玉笙誰與唱銷  
魂醉中只想瞢騰去綺席頻邀高軒慣駐悶來卻覓  
棲鴉語城頭一角晉陽山怪他青到無人處

醜奴兒慢

九月十九日望都縣城外書事

輕塵倦馬酒醒今宵何處最愁說瓊簫花外半壁儲胥  
恨入初程劍歌聲悄壯心孤圍棋乘興遲回命屐一著  
先輸鼓吹未聞淒涼官燭顚顚領軍符更誰向平原飛

騎笑挽雕弧廢壘秋笳怨吟曾到帳中無傷心休問遼  
空唳鶴殘月鳴狐

月華清

初夏

燕乳飛遲蠶眠香老一番婪尾吟後怕檢羅衫還怯曉  
寒襟袖蘸簾影綠蔭方重尋履跡豔陽難又孤負聽鷓  
鴒花外那回攜手 伴侶停鍼話久但強啟窗紗悶添  
晴晝梔子同心忍見素紉描就悔拋卻吹絮光陰任閒  
到熟梅時候依舊試榴紅裙衩爲伊消瘦

高陽臺

長椿寺明田妃畫像慈聖李后像並藏寺中

葉落秋槐花零素柰驚鴻省識曉妝月影揚州禁他燕  
館清霜九蓮寂寞閒房共黯殘僧黃帕司香儘關心小

閣承乾前度昭陽 霓裳未破哀蟬誅指環如葬地金  
盃銀牀天壽幽宮珠旒翻託明璫相從好奏西陵伎比  
人間椒殿春長漫魂歸一幃芝龕冷話興亡

思佳客

檢點嬌紅瘦幾分含情重問可憐春誰教南浦愁中絮  
卻化西樓夢裏雲 吟翠管步香塵小闌花影易黃昏  
從來怕見初弦月纔學蛾眉便學顰

怕上新題間舊題苦無佳句比紅兒生憐桃萼初開日  
那信楊花有定時 人悄悄晝遲遲殷勤好夢託蛛絲  
繡幃金鴨熏香坐說與春寒總未知

寂寞湘簾下玉鉤一春清景似殘秋粉消蕙帳情空寄

花褪蘭缸恨未休 銀鑿落鈿筵歡場那更問朱樓  
雙蛾已是生來淺禁得西窗此夜愁

夢語惺忪記未真起來還倚退紅茵綠腰枉自翻新曲  
藍尾誰能惜好春 金翦歇玉鑪熏懶將纖手試寒溫  
人間無著相思處剩檢羅衣看淚痕

夢橫塘

荷葉似雲香不斷白石句以慢詞寫之

液池擎豔淥沼含馨溼雲飛滿涼翠千葉香心蕩三十  
六灣秋意倚蓋天長浣衣人杳卷波無際認珠盤冷浸  
一抹橫塘重重碧重重水 嫣紅半落誰憐但參差遠  
影還蘸吟袂驚送鷗迎料未許夕陰吹碎喚小艇青奩  
搖夢待覓風痕過煙尾甚日開門藕花多處約詞仙同

醉藉花多處別開  
西門亦白石句

菩薩蠻

映門衰柳無顏色長條一夜西風急人倚小紅樓闌干  
天際愁愁來天又暮艇子衝波去打槳問鴛鴦鴛鴦  
秋夢長

天香

水仙花

水豔吟香花情眷夢湘皋記共游冶蓋側塗金簪橫削  
玉霧帶碧痕低亞通詞試託問甚日仙魂初化翠羽明  
珠不見依然冷雲凝夜銀釭舊愁自寫倚冰簫薄寒  
吹麝一掬茜窗清淚粉妝慵卸還恐春風喚起又暗憶  
扁舟古祠下素鞵無聲淩波去也



冬 蕉

好覓輞川池閣

遼后洗妝樓

眠柳梳煙荒池洗月翠簾不卷春愁暗塵珠絡芳豔未  
全休飛燕新詞漫擬簪花格墨妙誰偷憑闌處鞦韆金帕  
玉腸斷舊風流凝眸佳麗地脂函鏡匣鄉冷溫柔但

捺鉢當時諫草還留可惜琵琶調苦回心院枉費綢繆  
焚椒恨天書練影三十六宮秋

瑣窗寒

集賢院遇雨

潤逼窗紗涼侵簟竹頻添顚顚將徐乍緊作出幾分秋  
意對銀屏幽懷暗牽素衾清夢誰料理最憐他此日紋  
疏靜掩袂衣初試空指前游地又冒石苔滋井闌愁  
倚回波漲晚翠點一池萍碎帶蒼煙歸鴉倦飛暝陰未  
破雲更起但虛空冷蕩柔絲遠天都是水

風蝶令

琴語回瑤軫簾波暗玉鉤芳心一寸鎮難留消得三分  
病與七分愁藥裏拋仍在苔箋卷未收薄寒無賴倚

羅襪可是禁愁禁病又禁秋

催雪

衍石抵京招同吾亭水部陳友石農部錢味根孝廉消寒小集同霽如幕雪意垂垂坐客各有新句余亦繼聲

簾罨重陰燈暈半花密坐食依屏背話冷宦心情竹深  
門閉客似寒鴉瘦影慣倦羽相偎銀雲底琴邊試問清  
宵款語冶游知未燕市十年矣是幾度分襟幾番牽  
袂又朔雪關山歲華如此儘覓紅螺換酒釀不到鱗鱗  
鴛鴦水料只有藤角吟箋猶認月波題字

瑞龍吟

儗周美成

吟香路重認淚點娟筠睡痕芳樹依然咫尺天涯斷魂  
絮影知他甚處信音並還是墜蛛塵網半捎窗戶無

聊強搢紅箋醉來試倩流鶯寄語 惆悵雕闌猶在晚  
花羞暝垂楊慵舞應想舊時堂前巢燕非故琴心贈別  
顛倒閒詞句句何曾見珠幃夜悄銀屏微步佩解人歸去  
怕羅尙綰愁絲怨緒簾底波千縷空負我西窗秋衾涼  
雨話殘夢裏一鐙誰絮

### 高陽臺

鵲語偷傳烏棲暗警宵分又駐鸞車七載重看秋期彈  
指無差瑤階擁帚知何事勸鳳翎休埽閒花話仙都小  
劫匆匆愁裏年華 巫雲漫逐西風去聽黃鸝怨曲往  
事空嗟酒冷芳尊可堪殘醉消他盈盈儘隔牽牛渚問  
情波流恨誰家但思量咫尺銀灣不是天涯

金盞子

彩筆休拈錦字慵題病餘無力又墜葉吟秋疎櫺外閒  
了翠雲消息懶聽桂苑嘯烏引瓊簫悽惻西風淚花冷  
素蟾偏是廣寒人隻倦燕忽如客待歸去蒼煙暗故  
國沈沈繡簾易隔宵來夢比似曲屏還窄看取小扇塵  
生嗟空箱拋擲消魂處愁縷恨絲機聲催織梅溪夢窗  
竹山碧山  
皆有金盞子詞而調各  
不同此按花外譜爲之

應天長

鶯花近甸鴻雪去程依稀夢境堪覓記否那回攜手汀  
波戀餘碧垂虹影還自直有幾許倩魂消得畫眉冷走  
馬人來鷗鷺曾識回念別離時陌上香泥羅帶爲誰

拭怕說繡鞦行處鞭絲墮秋色前蹤認如過翼儘喚起  
暮愁千尺斷橋外細雨恹恹重問村驛

一枝春

珂里新晴試清游過卻惜惜坊陌歡期暗數豔景易成  
陳跡旗亭喚酒倩評跋好春顏色吟徧了紫曲塵香惟  
是燕鶯曾識 幽蘭素芬堪摘怕東風認作尋常標格  
琴心倦倚夢裏水波空碧何人寄語但花外玉簫知得  
重看取小字銀鈎冷綃翠拭

解連環

和片玉韻

寸箋休託訴幽襟忍見賦情縣邈耐晝永閒拂蛛塵但  
錦羽夢孤翠綃緣薄似水春陰總化作殘秋蕭索對厭

厭病枕悶損鏡妝誰寄靈藥  
芳尊自開下若帶顰蛾  
酒暈猶倚闌角在盼斷淮上青山渺天際黛痕等閒迷  
卻浪跡依然把柳絮看成桃萼勸清游半晴半雨趁花  
未落

瑞鶴仙

四月六日出都小憩蘆溝橋偶述

柳絲征袂縮試錦羽初程玉驄猶戀銅街佩聲遠向天  
邊回首故人如面藤陰翠晚但怪得琴尊夢短有游鱗  
知我心期剛是褪紅曾見還看珠巢題字墨暈初乾  
酒痕微泣晴雲乍展春已在驛橋畔問柔波一樣仙源  
流下爲底人間較淺要重尋京邑塵香素襟漫浣

青山溼徧

道光己丑夏五余有騎省之戚偶效納蘭容若詞爲此雖非宋賢遺譜音節有

可述者

瑤簪墮也誰知此恨只在今生怕說香心易折又爭堪  
燼落殘燈憶兼旬病枕慣嘗騰看宵來一樣慊慊睡尙  
猜他夢去還醒淚急翻嫌錯莫魂銷直恐分明 回首  
並禽棲處書惟鏡檻憐我憐卿暫別常憂道遠況悽然  
泉路深扁有銀箋愁寫瘞花銘漫商量身在情長在縱  
無身那便忘情最苦梅霖夜怨虛窗遞入秋聲

月下笛

晨出錢唐門乘小舟沿緣至蘇公祠

野艇搖煙生衣蘸淥鏡波圓折湖菱翠貼最苦新涼猶  
怯話離愁髯仙未知雨花露蕊淒步屨漸嬌雲墮砌芳  
魂冉冉暗窺窗月 柔鄉戀否枉薦菊泉荒冷香棲蝶



三生淨業試與長眠人說算年來紅塵倦游好山畫裏  
緣再結黯消凝又早蘆灣夢落秋半雪

翠樓吟

篴冷脂函窗閒粉拂簾鉤靜搖霏霧金颺鏘翠竹是誰  
在虛廊微步芳蹤偷溯認煖玉欹牀橫波窺戶依然誤  
剪刀聲裏喚人鸚鵡幾度風外吟香攬斷魂飄落一  
簪花絮嬌曉驚夢覺碎珊瑚枕愁紅千縷釵蟲垂處盼曉  
月吹來仙裙留住離情訴錦屏深掩不教飛去

金菊對芙蓉

山淥棲煙城陰臥水半湖冷畫秋容柰湖波清淺不似  
愁濃多情風信天邊下問故人何處芳蹤佩聲依約知

他見否月桂香中 追念往事朦朧早齊紈淚翫并翦  
塵封過虛堂悄悄履跡誰同思君只有蘭衾夢但夢來  
未抵相逢向無眠夜金徽怨曲彈與疎蛩

清平樂

曲瓊風細寂寞簾垂地消得西堂煙一穗隨分閒眠淺  
醉 象牀羅簟關情梧桐葉葉秋聲還向人間惆悵不  
知幾日浮生

慶春宮

余將去杭屬安之弟率兒子送淑人匱歸里前夕宿湖上作

虛閣留仙孤檠銜夢舊歡忍問槐柯寥落羈魂踟躕遙  
夜半輪初泛金波未圓先缺最愁見亭亭素娥殘霞吹  
盡南北高峯依約雙螺 秋衾信宿煙蘿已蛻吳蠶猶

戀修蛾天際含顰雲中飛佩更堪此日離歌砌蛩吟苦  
替人喚尊前奈何相憐無計看取青衫泣下誰多

多麗

八月十三日北新關道中

古錢唐翻成此日淒涼薤歌中灰飛紙蝶翩翩吹上牙  
檣峭帆風迎來柳絮離筵語遞入椒漿綠蠟凝愁素帷  
舉怨更無人影到船窗歎吾谷舊山雲樹歸計苦參商  
經行過女墳湖水淚灑吳閭問從今關河萬里可堪  
重著思量鮑家詩繁臺夜雨江淹恨嶺嶠秋霜西去嘯  
烏南征哀雁斷魂容易便分行願留取鏡盟釵約心字  
各焚香塵緣了與君攜手片月金梁

最高樓

微吟罷我亦去錢唐宦海路茫茫春寒容易吳蠶死秋  
風依舊越禽忙酒鱗邊鐙影背細思量且莫說長安  
蘿補屋更莫憶長沙人倚玉塵世事總堪傷孤衾不煖  
殘年夢征衣空疊舊時香算前途須忍淚過瀟湘

十拍子

重過湖上

缺月閒尋昨夢圓波錯認吾鄉萬點漚珠參佛果一瞬  
天花作道場清鐘聲未忘錦鷁浮生忍託哀蟬冷句

重商見說殘秋如過客從此高樓傍夕陽歸人歸路長

屠

倬

字孟昭號琴鴈又號潛園錢唐人嘉慶十三年進士官九江府知府有耶溪漁隱詞二卷

南浦

離恨滿春潮怨東風不把去帆留住又負一年期便歸

也已是落花前度杜鵑啼瘦幾曾勸得人歸去連日閨  
中聽厭了試問杜鵑知否 天涯夢斷梨雲只游絲綰  
得閒愁如許簾幙晝沈沈春山遠低鎖一痕眉嫵春陰  
傍午心情嬾更調鸚鵡望望長安何處是吟罷雨中春  
樹

小梅花

停瑤瑟橫長笛尊前往事悲今昔惜奴嬌念奴嬌清歌  
一闕無計慰春宵秋千冷落閒庭院飛盡楊花春不管  
夢如煙月如絃些子清光今夜落誰邊 東風惡浮雲  
薄人間咫尺天涯各南峯青北峯晴疑雲疑雨兩處不  
分明屏山遮斷眉痕綠醉不成歡別離促自杭州到蘇

州流水無情消得幾多愁

珍珠簾

寓秦淮水閣句日矣商飈送秋殘暑漸退夕陽簫鼓闌咽青溪賦小詞題壁

涼雲綠浸簾波膩滿雕闌添了斜陽煙水一桁六朝出  
尙遠橫眉翠不是垂楊容易瘦又早是新秋天氣閒  
看鎧火星星畫船銜尾依舊一角紅樓記前番小住  
銀箏閒理盪漾暝琉璃把月光搖碎梁燕笑人棲未穩  
卻幾度誤他歸未迢遞正夢繞鄉園紫薇花底

踏莎行

溟生出示令兄玉年墨竹草蟲合卷題此奉懷

話別鐙前攜尊竹所蟲天一夜秋聲絮天寒日暮碧雲  
深對牀記聽瀟瀟雨湘水唳痕國風章句池塘春草  
休重賦滄江虹月照誰多秋風亭上懷人處

思佳客

維舟天津重五前一日風雨薄寒對花獨醒

無分南薰一例吹謾從畫省鬪風姿角飛城外看花處  
丁字沽前聽雨時銷薄醉怯生衣蒲香蒜影水窗迷  
依然艾虎欹鬟小只怪鰣魚出網遲

趙植庭

字仲樓號樹三宛平人嘉慶十三年進士由庶常改刑部

疎影

畫夫容

西風木末著冷霞幾縷都暈寒碧洗盡鉛華清絕娟娟  
天然謝去雕飾相思鏡裏人消瘦更不許愁根重覓恰  
素秋留取香痕日夕儘容珍惜前度蘭橈步遠美人  
怨日暮羅袖輕挹六六鴛鴦夢醒波明水佩風裳遙憶  
空江一掬胭脂淚替染遍蓼花顏色看一枝點上青霜

耐得衆芳消歇

滿庭芳

羅浮蝶

香絮黏衣情絲裏  
繭碧雲吹煖春山  
萬花圍住夢不到  
塵寰草草人間  
脂粉斜陽裏也自爭妍  
還應羨瑤臺香  
使小隊舞煙鬢  
游仙曾此地  
梅魂乍醒紙帳飛還任  
天涯芳草一例都刪  
翦絲空描豔影  
朱絲繫不上釵鈿  
憑誰識春駒名字  
錦樣感華年

齊天樂

雪影

凍雲一徑霏瓊屑  
紛紛玉階輕駐  
冰鏡空黏霜花細  
颭閣外陰陰寒沍  
荒苔路古恐看到斜陽  
便成煙霧蹤跡  
天涯籠衣消息幾回誤  
珊珊瑤珮認取  
奈相思似水



清淚遙注梅月留痕梨雲款夢合稱清寒情緒迴關凭處看鶴影微茫有人延伫暗換晴春幾絲防作雨

蔣雲

字季雲號秋舫平湖人嘉慶十三年舉人召試二等官通城縣知縣有曉策詞稿

南鄉子

鎮日坐無聊細雨空濛暮又朝滴破愁心千萬點瀟瀟半是梧桐半是蕉痛飲讀離騷如豆青鐙影動搖可奈夜闌人靜後寥寥清磬聲微玉漏遙

徐保字

字韻書號沅舫又號宛梅歸安人嘉慶十三年舉人有抱碧堂詩餘

念奴嬌

歸鞍辛苦又無人伴我蓬門常閉疊被熏香還昨夜幾點夢餘清淚弱不勝衣病猶勸酒總是淒涼味梨花陌

上淡魂一平縷空瘞 當日捧硯官窗調羹旅館有紅  
薔依倚杏姊難逢梅姊嫁好事而今已矣簾底釵聲鐙  
前衫影誰寫傷春意月移花動隔窗偏照孤睡

山花子

紅板橋西白板門吳孃暮雨唱黃昏還向東風花下醉  
不堪聞 天上月明悲素女馬頭草色怨烏孫同是天  
涯淪落意最銷魂

蘇幕遮

歲偏新人似故楊柳樓西依舊青無數二月鶯花三月  
雨無限傷心便是重來路 會良虛愁莫訴若再相逢  
沒箇銷魂處但到銷魂魂不去算是今生祇有相思苦

李紹城

字築初號澹畦仁和人嘉慶十三年舉人有澹畦詞稿

甘州香篆

悄無人小鴨畫屏幽絲絲篆煙浮正茗椀停煎琴絃罷  
弄煖護羅幃縹緲碧雲凝處心字裊悠悠窗罅微風觸  
詰曲旋收倏見亭亭滃起幻彎環釵腳小樣銀鉤剛  
配天邊雁涼影一簾秋撥芳灰閒臨古帖願溫磨長伴  
墨香留更何處熏鑪錦字旖旎紅樓

黃安濤

字霽青晚號葵衣老人嘉善人嘉慶十四年進士官至湖州府知府有綠箋詞鈔

黃韻甫云先生慨直豪宕愛才若命而虛衷  
延納尤近世所希所著綠箋詞鈔二卷皆屬  
變清手定未及梓行而先生下世其稿本為  
袁氏子攜往湖北粵匪陷武漢袁僅以身免  
稿亦為有良可歎惜集中所錄係曩日投贈  
之作存之以見一斑

水龍吟 紅蕖

楚江二月春濃東風不管桃花色尋來草際蜨和香醉  
露晞珠滴襯得霞明休將雨洗心傷騷客悵招魂何處  
聽殘鷓鴣楓根下無人拾認取華光點筆把離憂調  
脂拈出鑪煙欲斷無言凝睇看疑成碧霜冷空閨玉壺  
盛淚縫衣相憶正迴文製就小名朱字待璇璣織

摸魚子 萍

歎浮蹤者般飄泊此生難著根蒂天涯海角歸何許柳  
絮前番多事波浪起算一世遭逢斷梗飛蓬是疎花采  
未想細雨開時微風約處屑屑有秋意輕橈撥鏡面  
縈青拂翠江湖搖動幽思無心更向虛舟觸還剩霸圖

餘氣游倦矣奈聚散雲情那得如匏繫青青數里但伴  
取鷗眠留將魚鬪斟酌半池水

齊天樂

笛

耳根何物閒情惹桓伊踞牀吹乍怒截龍鬚輕攜鶴骨  
爲愛尊前花下腸迴淚灑更感逝傷離藉他陶寫送老  
浮生只消幾度玉梅謝歌臺誰復下馬任新聲按罷  
幽咽遙夜赤壁空明黃樓縹緲風月天然無價塵心欲  
化聽遠韻悠揚四山如畫髣髴蘆中掉孤舟去也

桂枝香

蟬

居然白小訝額粉留痕多在緇縹若果耽書成癖豈徒  
求飽味於無味偏知味問蟲天有誰同好祇應愁那熏

衣侍史剔來纖爪 認殘字身輕一鳥驀芸閣回頭蹤  
跡如埽墮地迷漫浪走失居堪弔囊中幾度螢乾死歎  
神仙讓伊修到塵編猶是餘生安託也拚枯槁

吳慈鶴

字韻皋號巢松吳縣人嘉慶十四年進士官翰林侍讀有蘭鰲錄鳳巢山樵詞一卷

高陽臺

新鶯

鑄柳塗金裝花傅粉東風多少商量幾處芳菲流鶯暗  
度宮商天涯不是無春到柰長隄只有斜陽剩相憐高  
士雙柑款語詩腸 歌場舞榭匆匆換有風翻翡翠雨  
老鴛鴦爭似丁寧數聲猶繞銀牆高樓也肯珠簾捲怕  
幽懷未慣雕梁一任他燕子雙棲長傍流黃

賣花聲

往事記惺忪昨夜燈紅斷腸猶有一尊同今夜畫船星  
月小立盡東風羅帶影匆匆暗減香筒薄情卿誤有  
情儂各抱屏山天一樣殘漏聲中

念奴嬌

松鶴廬聽林徵士彈瀟湘水雲

幽廬春遠借冰絃喚醒平湖煙月七澤三湘曾未到  
綠銀流千尺紺玉波寬錦鱗風小此地人初別楚天濃  
煖香蘭將老時節早又蓼嶼全衰蘋煙半冷聽蕭蕭  
楓葉雲水無憑千萬疊恐與高人長絕驚起湘妃暗彈  
清淚斑竹秋生血銜盃罷撫子規啼夢江國

葉申薌

字維或號小庚閩縣人嘉慶十四年進士歷官河南府知府有小庚詞存

漁家傲

羊城留別芷汀六兄

水驛山郵經歲度匆匆又別珠江去江上木棉花正吐  
千萬樹紅雲遮斷羊城路波面漂萍風裏絮游蹤宦  
跡渾無據十載分離旬日聚腸斷處鷓鴣聲急斜陽暮

滿庭芳

絲萼梅

染黛嫌濃銷冰訝薄春波淺蘸芳魂天寒修竹翠袖倚  
無痕鳥羽襍從遙映羅浮夢好與溫存橫斜影巧偷苔  
暈清絕月黃昏前身還認取仙人萼綠小字同新數  
頭番花信畧較逡巡尙向含章點額撩雲鬢鈿碧輕勻  
東風惡一簾花雨腸斷墮樓人

孔昭恢

字景度號鴻軒曲阜人嘉慶十  
五年舉人有春及園詩附詞

如夢令

題歌郎韻蘭畫蘭



染黛添莖時候一點癡情暗逗慧業認前身恰似董家  
娟秀娟秀娟秀數筆憐他醉後

孫若霖

字伯雨江甯人有雙紅豆閨詞

黃韻甫云雙紅豆閨喜作南唐小令疎香細  
豔結想綿綿自是雅音

賣花聲

雲波樓感舊

酒冷又香殘風襲衣單薄情明月爲誰圓今夜三層樓  
閣上如此春寒離合總無端夢也都難人間天上兩  
漫漫曾是昔年雙倚處獨自凭闌

采桑子

寒檠有燄挑難起一枕支牀敗葉敲窗今夜鴛鴦瓦定  
霜覺來舊夢無尋處紅樹銀牆淡月回廊纔著思量

已斷腸

菩薩蠻

和南唐後主韻

深沈院落霏香霧  
背人轉過秋千去  
清夜立瑤階  
露涼侵鳳輶  
花陰陰處見小語  
還驚顫會面  
後應難儘伊  
心上憐

喜遷鶯

和南唐後主韻

煙影淡露華微  
柳輕趁風欹  
隔花宮漏正  
依依天朗曉  
星稀清歡散  
離愁亂惆悵  
落紅庭院當初  
深悔不留伊  
自放好春歸

臨江仙

和南唐後主韻

落紅滿地誰憐惜  
傍檐燕子飛飛  
柳絲搭在石闌西  
更

無人處寂寞畫簾垂  
芳草天涯長短路無邊風雨淒  
迷臨分拋與淚珠兒在留香夢何日卻相依

張應昌

字仲甫錢塘人嘉慶十五年舉人官內閣中書有煙波漁唱

黃韻甫云舍人性情誠懇好學不倦是編網羅考核得力居多詞亦清迥絕塵使人自遠

朝中措

參橫斗轉漏聲沈微步立花陰月淡煙濃庭院綠肥紅  
瘦園林朦朧夜色珠簾悄悄玉戶悄悄芳夢池塘何  
處等閒又是春深

生查子

垂楊送客行芳草隨舟綠舟客與林雅暮共荒村宿  
已恨大河長更恨長河曲千里路千彎歸夢如何逐

八聲甘州 錢秋

正輕寒薄煖袷衣時秋將去人間甚黃花傲影烏衣作  
客清夢闌珊蘆浦楓江斜日冉冉到鷗邊無限棲遲意  
紅葉青山 玉盃葡萄細酌愛雲深古徑霜滿遙天勸  
龍車駐飲悲賦采蕭篇記春歸醉酣婪尾算者番心緒  
更淒然西風裏有征鴻唳飛過樓前

一萼紅

甲午初春余既和葉小庚孤山探梅詞旋有廣陵之遊仲春歸至湖上梅已殘矣用石帚韻再和之

綠成陰點梅英如雪殘萼不堪簪千里歸遲二分春去  
涼夜影瘦香沈破清夢參橫月落小樓外曉老翠衣禽  
孤嶼流紅四橋凝碧已誤登臨 滿目湖煙湖水有飛

來新燕掠到波心寶馬花郊玉壺茅屋芳景何處堪尋  
早寒食清明近也綻桃花如粉柳如金禁得東風畫闌  
玉笛愁深

疎影

丁亥十二月十九日雪後孤山探梅先詣蘇祠拜坡公生日用白石翁原韻

雙峯凍玉向斷橋曉伫深處雲宿雪後春痕淡粉輕朱  
含顰俏映疎竹荒亭鶴去天寒甚剩鵲點枝南枝北指  
一泓清淺黃昏照見美人幽獨 千古高風自在詞壇  
舊倡和同飲湖綠一舸寒泉一瓣清香供養神仙祠屋  
娟娟風露空山裏似聽得醉翁絃曲想羽衣月下飛來  
定寫冷煙盈幅

沈

濤

字西醵號宛廬嘉興人嘉慶十五年舉人官福建興泉永道有洛州唱和詞

玉女迎春慢

雪美人

銀液調成前身是綽約藐姑仙女倚竹寒生袖薄欲倩  
輕羅相護盈盈無語渾不解弄頓佯妒拚教消受殘月  
曉霜休怨遲暮還疑划鞦韆閒階竝立夜深風露  
合是人天小謫只有瓊樓堪貯夕陽紅處灑點點夢雲  
飛雨絮果難留已早捧花歸去

月華清

秋蟲

古甃苔荒空階月冷一聲聲伴吟苦弔夢歌離掩抑向  
人低訴已難禁杜老吟懷還更續庾郎愁賦無緒牘孤  
鐙涼暈亂搖窗戶似怨歲華遲暮奈金井銅鋪斷煙  
零雨絮到更殘客鬢已無絲處歎半閒夕照銷沈都付

與亂莎荒圃延伫更滿庭落葉萬家哀杵

章

補字次白錢塘人嘉慶十五年優貢官松陽教諭

臺城路

余慈柏爲余畫梅花帳額郭頻伽屠琴隲李西齋題詞於上今裝成卷故人零落殘墨猶新因次頻伽韻追感

輕綃隔斷羅浮夢空留舊時明月玉筍雲埋連仙鶴化

零落曉風殘雪看成畫壁愛小幅生春折枝寒徹剩榻

依然素琴絃冷渺難覓還教翠禽喚起有芳魂暗戀

林下苔屐別院香殘深宵酒醒恍倚重檐霜色相思倩

說任偷學宮妝那勝清絕謾繡孤鸞黛痕愁斂夕

盧照鄰詩

生憎帳額繡孤鸞義山詩掃黛開宮額

水龍吟

碧紗櫺

涼軒銷夏清幽嵌空別有玲瓏格湘筠六柱冰紋四面  
輕籠蟬翼也小於舟恰低於屋更虛於壁正薰風暗逗  
營營白鳥飛吟處難鑽隙 休認琉璃簾額擬禪龕者  
般閒寂通中徹外欲除綺障一層還隔几榻蕭然梧陰  
竹影映來無迹任掩關獨坐生綃數幅寫遙峯碧



國朝詞綜續編卷六終

錢塘宗景藩子城校栞

國朝詞綜續編卷七

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳堃 增訂

錢塘 諸可寶 校勘

永康 胡鳳丹 監刊

吳衡照 二首

張湘任 二首

孔昭薰 二首

孔廣廉 一首

魏襄 二首

楊士昕 四首

管貽荪 二首

鮑廷博 五首

張琦 一首

吳振棫 二首

李堂二首

戴銘介一首

改琦三首

程梓浩二首

唐維峻一首

楊文蓀二首

查奕照一首

任安上一首

周迪一首

汪潮生三首

徐蘭生一首

何其章五首

楊夔生七首

潘曾沂二首

沈秉璆一首

汪遠孫四首

蔡春雷二首

吳衡照字夏治號子律仁和籍海甯人嘉慶十六年進士官金華府教授有辛卯生詩餘

吳仲雲杭郡詩續輯云子律性蕭淡通藉以縣令用請改官冷局精於倚聲按譜之學所

著蓮子居詞話研究宗旨非泛事鈔撮者比

### 蝶戀花

揉碎芳心團作絮飛入重門遙挂櫻桃樹人在可憐春  
裏住樓臺金粉無尋處聽得雕梁新燕語隔著簾櫳  
掠過雙紅縷花底閒愁愁幾許銜愁不去銜花去

### 疎影

碧梧畫梅遺蹟

香生色活誤翠禽兩兩飛近花缺幾筆橫斜相對無言  
卻稱淡妝初抹離魂倩女依稀是倚縞袂林間清絕把  
一枝玉笛吹來喚起舊時明月誰料天寒日暮謝庭  
正詠罷珠樹輕折冷落餘芳何處溪山忍見粉痕重疊  
還愁素壁春光早便化作羅浮癡蝶待恁時纏綿驚迴

認取九疑仙骨

張湘任

字笠溪平湖人嘉慶十六年恭應西巡召試欽取二等二十四年舉人文穎館議叙知縣有抱璞亭詩文集

黃韻甫曰先生幼擅才名長立行誼廓然有當世之志乃在苒文場中年後始得一第又以母老不赴春官息影家居推顏終老余與哲嗣海門鹿仙昆季遊獲親言論丰采讀滿江紅一闕蒼涼激楚可以感其遇矣

金縷曲

戊子仲春攜教瞿萊柱赴彭城毓達侍鄉畦送至梁溪偕楊劍門鵠秋父子顧竹勳秩卿祝恩同舟作慧山之遊晚泊黃埠墩話別爲填此闕兼寄芝亭

勝地遨遊舊歎軀生中年多故前盟寒久今日重攜鷗鷺侶奈值將離時候看遠岸垂垂楊柳淡月疏風帆欲挂問諸君此際魂銷否聊繼卷一杯酒平生壯志多

孤負爲飢驅新霜盈鬢天涯奔走草長鶯飛春似錦不  
許在家消受悵一霎良朋分手更念能詩高仲武想連  
宵聽雨淒涼又緘此闕置君袖

滿江紅

乙未四月三十夜敖陽店中作用岳忠武韻

素鬢飄蕭歸去也雄心盡歇回首望帝京縹緲長歌激  
烈十六年來餘舊夢三千里外看明月趁此時早作下  
場詩休淒切想前事鴻泥雪從今後都消滅擁殘書  
也當兔營三窟濁酒千鍾澆塊壘名山萬卷畱心血算  
吾儕草野出經綸酬金闕

孔昭薰

字惠如號琴南曲阜人嘉慶十八年舉人官臨邑縣訓導道光三年臨雍署翰林院五

經博士有  
世雲詞

浣溪沙

辛卯二月十四日對倩春小影偶題是日其亡辰也

芳影輕盈畫裏春  
舊時眉嫵淺螺痕  
一杯慘落酹香魂  
聽雨簾櫳疑雨夢  
釀花天氣惜花人  
此情偏覺幻中真

浪淘沙

曉月恰弓彎  
一點銜山盧溝橋畔水潺潺  
小憩旗亭微醉也  
暫解征鞍  
花事未闌  
珊瑚夢鄉關  
輪蹄八度又長安  
爭奈踏青時節  
好客裏春寒

孔廣廉

字季直號靜吾曲阜人官刑部主事

浣溪沙

大通橋泛舟

通惠河中鼓柁行  
紅船白板水盈盈  
茶煙半縷颺波輕

兩岸風搖蘆荻影一篷雨結鷺鷥盟  
槐村樹色暮雲橫

魏襄字曾容

八聲甘州秋海棠

比亭亭倩女立蒼苔  
唬痕是前身剩千般幽怨含情欲  
訴約住離魂我是悲秋宋玉賦豔總傷神  
淒絕西風裏一晌酸辛耐得閒庭寂寂  
更黃昏獨自誰與溫存算生來低亞不分  
接青雲捲珠簾佳人悵望又幾曾插向  
鬢邊新多情月三更時候照到牆根

菩薩蠻

河陽三月東風遍  
潘郎才思何郎面  
相照世無雙  
來時



花滿堂 曇紅纔一現天上難重見煙雨灑平蕪春殘  
香夢疎

楊士听

字劭起

菩薩蠻

蜀琴漆斷梅花綉海棠枝上生紅豆料得賞音難好花  
如此寒 蓮根蓮葉盃鳥語提壺勸別境醉迷離重逢  
定幾時

又

閨門白下吳歌遠馬蹏又踏平沙淺鬟影動雙橈風流  
廿四橋 寶奩金翡翠刻玉玲瓏珮羅帶鎖雙垂腰圍  
亦自知

南浦

極目碧雲深怨重城好夢新來都阻深院悄無人闌干  
外燕影幾番來去銀屏舊約暗塵吹滿傷心句露氣團  
霜霜浸月獨對鑪香銷炷此時那可無卿向蠻箋裁  
雪秦箏調柱早是怯新寒春風遠尙有重簾能護花期  
短短天涯容易年華誤相見因循相別暫已是今宵虛  
度

又

短夢不分明起來時舞碎一庭花影樹杪亂昏煙霜花  
暗吹入庾郎愁境斜陽逝水幾多身世閒名姓衣上酒  
痕巾上淚爭忍自看明鏡銅壺凍徹無聲任漫漫長

夜寒雞休醒畫角動城樓龍沙外衰草可銷風勁關心  
歲暮黃金馬骨燕臺冷那更故鄉消息斷併作客愁千  
頃

管貽菲

字樹荃  
陽湖人

齊天樂

雪意

凍雲銷斷瓊樓影悽悽又驚冬晚遠浦波凝前村樹渺  
認取荒寒天半斜陽恁短牘畫角聲中暮鴉零亂下卻  
重簾添衣人正在深院 天涯幾番望遠奈玉龍唱徹  
芳信頻換暗月迎愁尖風破夢何處酒濃香暖春魂待  
轉怕句起梨花隔年清怨料理幽尋灞橋詩思滿

南浦

門卷綠楊深款香塵記得舊時朱戶徑悄碧苔封空惆  
悵前度曲闌鸚鵡銷魂咫尺殢人何必天涯路剩有閒  
情消不得尋徧畫屏題句遙憐岫裏輕雲出孤峯一  
例便隨煙霧底事別恁恁含愁問還恐西風無語暮鴉  
飛盡淒涼暝色催歸去卻待連天新月上依約認他眉  
嫵

鮑廷博

字以文號漱飲縣人諸生家錢塘藏書甲於浙右校刊書籍亞于汲古閣刻知不足齋叢書二十八集嘉慶十八年欽賜舉人年已八十六逾年卒工詩有花韻軒詠物詩存

沁園春

急管哀絲誰解玲瓏新聲可憐儘南箕北斗量珠簸玉  
東阡西陌問舍求田老冉冉兮是栖栖者總怕春寒夜

雨連芳隄上鎖青青不改草色年年如何醉買江天  
載雞犬圖書共一船借柳陰橫笛消磨風月花閒小令  
商畧雲煙帆去帆來潮生潮落只在斜陽白鳥邊從人  
喚作瀟湘漁父瀛嶠神仙

前調

題陶篁村西湖泊鷗莊

我羨南村卜築西冷東籬數椽恰林逋老去梅花冷落  
陶潛小住楊柳依然三徑初成兩峯相對喜見山人放  
鶴還忘晨夕儘多情魚鳥作態雲煙先生何許人焉  
看鬚鬢飄飄總欲仙趁竹窗風度微欹酒面柴門月上  
私倚吟肩笑把綸竿閒堆蓑笠管領滄波一釣船漁郎  
誤指桃源又是同泊鷗邊

玉樓春

桃花面暖芙蓉冷著意端相都未肯隔簾偷眼太恩恩  
對鏡凝粧空整整光明藏放琉璃境一片春冰沈古  
井請君深掩碧窗紗分付鶯鴻來照影

沁園春

題父山卜居圖

卜宅南村我羨君歸偏饒勝情指平岡迤邐雲連野寺  
遠林明滅煙隔層城竹裏樓高茶邊屋矮闌檻蕭閒水  
石清經營徧還舊時月色別館秋聲遷鶯短棹尋盟  
喜生客門前熟犬迎恰山僧初去一枰棋亂春風先到  
滿樹花明位置壺觴安排筆硯爲我西窗小榻橫披圖  
笑問主人何日日就圍成

秦樓月 二分明月女子折枝墨桃

風吹折惱人半面曾相識曾相識年年一笑清明時節  
玉臺小試簪花筆無端點點臙脂黑臙脂黑多應錯  
弄畫眉顏色

張

琦字翰風號宛鄰陽湖人嘉慶十八年  
舉人官館陶縣知縣有立山詞一卷

南浦

冰雪冷關河最驚心到了歲寒時節魚雁信沈沈還只  
是望斷天涯消息千重離恨不曾細與征鴻說窗外梅  
花應笑我換卻舊時華髮殷勤惟有何郎向琵琶絃  
上訴將幽咽淪落最堪嗟分明似庾信平生蕭瑟鶯花  
燕市卅年春夢成陳迹眼底榮枯都莫問且醉尊前明

月

吳振棫

字宜甫號仲雲錢唐人嘉慶十九年進士現官雲南巡撫

八聲甘州

得張仲甫書寄西齋蓮生二家詞集賦

正加餐無計覓吳純翻勞故人書喜瑤函雙贈靈芬沁  
骨如味雲腴漫歎清才侘傺百劫總空虛笙鶴瑤京遠  
仙唱今無欲約煙波漁侶更賃將青舫尋向黃壚怎  
年年浪跡鷗夢撇西湖抗緇塵午衙袍笏不成聲吟思  
澀寒竽無聊甚小闌微雪梅樹花初

南樓令

題孫嫺卿女士停琴仁月圖

簾捲墮明星涼痕上畫屏照秋衾生怕流螢待訴琴心  
華月裏盼不到小樓明嬌伴憶娉婷孤彈恨轉生便



姮娥也是愁聽悶倚秦箏尋舊夢偏斷雁又聲聲

李堂

字允升號西齋仁和人布衣有梅邊笛譜蓬窗剪燭集各二卷

探芳訊

西湖秋感

暮蟬咽漸樹減清陰荷餘敗葉對一奩秋水霜痕已侵  
髮經年不到湖西路倦更停蘭楫怕空簾蝶夢難尋燕  
愁重說池館海棠發記金縷徵歌翠尊畱別門掩西  
風芳信久消歇那堪更灑黃壚淚欲去翻淒絕柳蕭蕭  
冷挂蘇隄片月

小重山

一枕涼生殘暑徂秋風先瑟瑟弄菰蒲鴈聲疑是雁相  
呼西樓過寄有素書無病骨近何如尋常簾下立要

人扶淡雲微月影模糊銀屏夢怎得度江湖

壺中天

都陽湖中古柳平沙村居幽絕賦此調以答漁唱

輕帆葉葉趁西風點破湖天秋色曲渚人家星散佳望  
裏猶明斜日當戶懸罾竝簷堆稻老柳無多筆蕭蕭涼  
殺兩鳬沙際閒立疑是濯魄冰壺空明一片迴與飛  
塵隔如此浪游殊不惡清夢還憐今夕露滿船頭月窺  
篷底臥我吹長笛茫然何處葦花無際搖白

戴銘金

字銅士德清人諸生有日湖漁唱

疎影

正月十八日再生都督招同鶴田學博愉樓鈕璠圃泊公子壽民西庵探梅倚此紀游用石帚韻

溪流漱玉趁乍晴攜槳微雨經宿路憶重遊雪密雲深

橫斜半倚修竹冷香又結羅浮夢渾不辨山南山北看  
 一雙瘦鶴梳翎守箇小樓幽獨 可是朦朧睡起壽陽  
 粉額上輕點蛾綠覓覓尋尋聽著鐘聲春入老禪茅屋  
 瑤琴卻好成三弄誰解得鞠通仙曲倚舊傳倒暈花枝  
 翠墨寫來長幅 宋開禧時湯叔雅與弟叔用俱工墨梅  
 各出新意謂之倒暈花枝時都督作西  
 曉探梅圖

改

琦

字七薌華亭人有玉壺山房詞選二卷

曹種水云七薌詞清空處如冰壺映雪飛動處如野鶴依雲讀之神爽

浣溪紗

憶虞山

聽雨僧廬今幾年推窗臥看劔門山紛紛紫翠落屏閒  
 紅豆花開詞客老絳雲樓鎖柳枝殘靡蕪香夢一身

煙

黃金縷

背倚羅屏燈影瘦  
雨又瀟瀟攏入銅壺漏  
難熨吳嬈眉  
葉綴芳情釀得濃如酒  
盼斷人歸歸燕後  
亂落梨花  
最是愁時候  
三起三眠人似柳  
枕函不合安紅豆

齊天樂

塔鈴

泠泠細響從天墮  
絲絲寶繩搖曳  
九子聲圓  
千花輪轉  
影臥夕陽空地  
香林暮倚  
有放鴿閒心  
護花深意  
綺習難忘  
珮環飛下碧霄裏  
僧寮畱客  
結夏話  
關山曉月  
馱夢驢背  
梵唱高提  
潮音靜答  
煙語郎當  
遙遞枯禪定  
矣正佛火初殘  
寺門斜閉已斷聞  
根任他風過耳

程梓浩

字瑤波昭文人諸生有飭華館詞

憶少年

人日草堂獨飲是夜卽擬儼裝悵然賦此

辛盤春老丁簾人隔辰年情倦青尊對誰飲只梅花能  
勸風颭珠幡春影暝引相思翦紅深院今宵已如此  
況來宵天遠

綵鸞歸令

東風老矣綠慘紅悵獨凭空闌閒愁難狀

綠鎖閒門吹瘦苔紗舊綺紋春殘誰遣酒心溫看衫痕  
游絲罥絮牽鶯夢鈴索判花蕩蝶魂闕簾幺月漏微  
雲又黃昏

唐維峻

字悟眞號春橋諸生有靜虛室詞

清平樂

藕花風峭涼露蟬先飽浴水鴛鴦雙影小照眼一枝紅  
蓼西風落葉蕭蕭秋衾魂夢迢迢偏是那家庭院月  
明夜夜吹簫

楊文孫

字秀實號芸士海甯人

綺羅香

題馬棣原倚雲亭填詞圖

薄霧簾櫳餘寒庭院又近濃春天氣詞客心情偏惹傷  
春滋味聽疎雨獨夜誰眠看豔影隔牆還倚好安排熨  
翠絨紅花前商畧到花底無端故園拋卻贏得江湖  
載酒知音餘幾回首林亭只怕閒愁難記且銷磨減字  
偷聲恁消受冷吟殘醉儘撩儂千里鄉心笛聲吹又起

暗香

題陳心壺女史梅邊待月圖

香疎雲薄正巡檐獨笑倚闌孤酌且忍輕寒休誤姮娥  
舊時約爭奈宵深酒醒尙隔斷瓊瓏簾箔仁弄影忽到  
窗前照見守花鶴妝閣捲羅幕似却夜黃昏夢回籬  
落春痕瘦削好寫苔枝上牆角凝盼花梢徐度牘一片  
淡煙籠著料只有雙翠羽伴伊寂寞

查奕照

字麗中號丙塘嘉善人  
原籍海甯有勝琴館詞

蝶戀花

送春

枝上殘紅畱不住屬付東風緩緩吹將去窗外流鶯嬌  
自語一般也恨飄香雨斜陽滿地胭脂絮話是傷春  
詩是傷春句尋遍橫塘無舊侶呀羅猶記湔裙處

任安上

字澧塘

賣花聲 鶯

綠到柳絲閒便已。鶯蠻猜來話有幾多般。似說流光飛  
電逝。轉眼春殘。何不日憑闌。儘著追歡雨。偏容易日  
偏難儂。與林花同命薄。只遇春寒。

周

迪

號藕塘

疎影

舟中綠陰

煙霏柳港正濃陰。市岸畫橈輕漾。小拓窗櫺。一碧空明  
篷背綠圍成。幃薔薇開處。酴醾老。尋舊約。但深惆悵。恁  
春酣碧透。紗櫺何處。挂帆重訪。猶認津亭古樹。看黃  
鸝兩兩相喚。飛上夢繞山陰。酒盞含情。添得鶻聲搖蕩。  
暮雲層疊。江村隱映。一樓紅霞微颺。待幾時。權影歸來。



定有新蟬催響

汪潮生

字汝信號飲泉儀徵人有冬巢居士詞四卷

長亭怨慢

玉句斜

恨吹到秋風秋雨寂寞離宮夜深歌舞寶鏡光寒玉簪  
香冷委塵土淚痕銷盡應灑遍隋隄路繡戶影重重怎  
剩得青山無數淒苦歎荒煙滿目不見昔年眉嫵春  
光老矣倩誰覓殿中鸚鵡最怕是郭外寒潮咽殘月香  
魂無主算夢裏君王畱得深恩千古

高陽臺

駕齋詞湖春感用玉田生西湖春感韻

浪蹙鱗圓裙拖鴨裹春心蕩起吳船六柱窗低愁風愁  
水年年來時笑指垂楊問問而今芳草誰憐意茫然夢

醒高樓一碧如煙 相思最是東風薄共傾脂河水流  
下晴川鏡裏雙禽幾時飛去湖邊蘋花拂破空畱影誤  
佳期只剩鷗眠卷晴簾纔聽流鶯又喚愁鵲

又 草色

陌上春歸窗前晝靜芳塵只覺芊眠帶著花陰便教一  
碧如煙吹來認得春風面倩風光點染春鵲是誰將別  
樣丹青賦到吟邊 慵畱蝴蝶飛還住正紅肥綠潤相  
映新鮮無那離情幾分顚顚堪憐夢回河畔青青路惹  
相思望裏絲絲鎖鎖愁伊那處遙看那處低連

徐蘭生

上元人

八聲甘州

草色

甚東風吹轉舊池塘回首碧迢迢是幾回煙夢幾番夜  
雨點染春朝一徑踏花歸去軟襯馬蹏驕寂寞長亭路  
淒黯魂銷那更凭高望遠歎夕陽人去淺淡無聊想  
江南前日新漲接裙腰恁而今數聲嗁鴉恨青青未抵  
暮愁饒誰知我鬢痕顚顚對影空描

何其章

字小山號琢甫青浦人有七榆草堂詞

黃韻甫云七榆詞清淺橫斜一空俗障

菩薩蠻

題西溪漁隱圖

玻璃冷浸蓮湖月鱸魚風起秋波闊流水遶漁村蓼花  
紅到門言尋樓隱處客向煙中去疎柳挂斜暉扁舟  
猶未歸

黃金縷

憶金陵舊事

往事不堪回首處  
野草閒花踏徧長干路  
惆悵杜郎年已暮  
板橋誰共聽秋雨  
猶憶妝樓楊柳樹  
挽得青青按拍歌金縷  
夢覺十年桃葉渡  
斷魂猶逐江潮去

蘭陵王

詠柳和美成韻

翠塘直波底柔條沁碧  
東風輭眠起再三漠漠含煙弄  
春色何年返故國  
應識風塵倦客溪橋畔  
千里去程散作鞭絲恨三尺  
回頭又陳迹  
沉馬踏寒蕪  
歌徹瑤席賣花聲裏過  
平寒食空一徑風絮一簾風  
燕傷心人自度  
水驛隔江影南北  
惻惻亂愁積  
正遠渚舟橫妝閣燈寂  
溪流有盡愁無極  
問月曉誰弄一枝羌笛黃昏疎

雨聽點點淚共滴

暗香

金陵歌伎金福色藝雙絕庚午秋曾兩見之  
越三載復往訪不知零落何所追念前遊不  
勝懷惋爰賦是解

一枝竹笛算幾番倚檻吹醒秋夕記取淚痕脈脈蘭情  
耿相憶桃葉重尋小巷問前度籠紗窗榻早換得渡口  
愁蓮香冷忍攀摘消息竟寂寂待寄與好花路隔江  
北畫闌醉拍溪水迢迢去無迹何處聽鶯度柳眉嫵認  
白門春色但一片簾底月舊時淡碧

疎影

竹影

幾番看竹有翠雲一片低覆茅屋涼意參差踏徧蒼苔  
染得鬢眉都綠羅窗誰畫橫枝小  
竹影  
惟上  
一輪寒玉待

好風吹折琅玕滿地碎痕堪掬 猶記謝池綠篠一枝  
浸到底孤媚溪曲收了斜陽又背殘燈日暮天寒袖薄  
輕盈倒挂憐么鳳恰對鏡清眠初熟甚亂梢敲戶無聲  
祇自伴伊幽獨

楊夔生

字伯夔金匱人官荊州知州有過雲精舍詞二卷真松閣詞六卷

八聲甘州

蘭村自癸亥來遊都門倡和甚樂尋復別去逾歲余至白下相見欣然遂招飲於隨園瑣花旋竹眾綠吹楚感念舊歡卽席爲賦是解

記玉關橫笛暮寒初雁起雪吹蕪爭送君歸後詞箋蕭  
瑟燈暗琴孤幾度屋梁殘月鶴病北山書片葉無題處  
斷夢雲疎 那分江皋重遇且竹深過酒波淺尋蘆間  
灣頭春水曾約小憐無想修蛾也添新綠傍垂楊倩仿

麗人圖還相許星河後夜蘭櫂明湖

菩薩蠻

薜蘿吹老吳山色無情團扇西陵別門外柳絲橋夢回  
生晚潮 蕭蕭金雁雨腸斷琵琶語何處是離愁春寒  
江上樓

木蘭花慢

同蘭村泛舟秦淮卽事書感

綠波浮兩槳長干曲畫橋邊更飄盡楊花一江春水搖  
夢成煙我欲種蕪南浦怕拋愁容易夕陽天憶自流鶯  
老去落紅飛近箏絃 尊前蕭瑟數華年何處罷歌船  
料有人歸後鏡西題月簾底尋鈿似此斷魂纖草便無  
多殘碧也堪憐遲問桃根消息曉來陌上嘯鶻

高陽臺

殘月

隱霧蛾消鏤雲額淺清輝不耐團圓  
樂銀漢初斜瑤姬佩解闌珊玉笙吹徹  
新涼夜掩紗櫺翠影層瀾最關心三五  
良宵十二迴闌一鞭曾託來時路過曉  
風疎柳野水荒灣畫角聲中古今無限  
河山半規淺暈傷心白渺離愁天上人  
閒捲簾衣苔冷秋痕花約輕寒

一萼紅

秋霖乍晴同人泛舟環溪

溯空明好輕移吟鷁迤邐過環溪十里新晴半汀殘靄  
蘭橈細劃秋漪翠藤弱涼穿水曲見數點煙際暝鷗飛  
載酒頻來棹謳唱徹西塞魚肥極目沙邊凝竚沙雲  
圓松髻霞翦荷衣側帽吟商當歌吹竹幽思約上雙眉  
國朝詞綜續編

卷七

七



看暮色蒼然林表好湖山彈指入斜暉只有西巖漁父  
鎮是忘歸

減字木蘭花

蓉湖泛舟

芙蓉湖口涼淺淥波蘋葉瘦渚尾停橈風颺飛花出畫  
橋晚晴天氣竹漏新蟾明溼翠霞菴樓陰小玉開簾  
按碧箏

藤橈劃水淺碧疎籬搖短葦涼暈單紗渚暝蘭風漾玉  
沙林藏石屋松頂月高飛水鶴野色依微獨夜尋詩  
一舸歸

潘曾沂

字功甫吳縣人嘉慶二十一年舉人官內閣中書有功甫小集東津館文集

聲聲慢

秋葉

霜前雁後砌角盆頭無多敗紅淒碧百感因秋心上合成消息山閒樹容漸老獨淒然向人顏色看鬢底話西冷舊事翦楸詞筆記得翠深初夏行樂去叢中路迷樵客事到回頭萬種寂寥難說牆根短檠廢久有蟲蟲慘慘唧唧小坐久見疎枝還抱冷蝶

暗香

延秋小集分賦得夜來香

小樓人獨鬢雲邊敲碎橫斜青玉媚晚輕妝減筆羅衣

水痕薄楸葉門前喚賣漸句起傷秋心曲

竹屋癡語立秋日賣楸葉

詞吹上玉人雲鬢底無限新涼意味

但怪得軟語商量釵朵抱寒綠香

閣月一角肥翠袖夜涼絕代空谷冷芳華屋未嫁靈芸

耐離索長記迎來玉葉

薛夜來好石葉之香見崔豹古今注

還自製生衣

同宿又怎奈花睡去曉來羞落

沈秉鏐

字春橋號貢梁長洲人嘉慶二十一年舉人官江西知縣

瑣窗寒

冬日同沈蘭如訪戈順卿於楓江

凍翠遙峯斷紅野約乍寒天氣江楓作冷無限古雅嘯  
碎指橋灣斜陽半林暝鐘漸緊西風寺認淒涼一片蘆  
洲釣艇野雲流水提起傷心事慣對酒言愁看花彈  
淚青袍草草怕容易鬢絲顚額更銷魂銅笛數聲離筵  
客去梅花未等落梅飛遍江城杜鵑春老矣

汪遠孫

字久也號小米錢唐入嘉慶二十一年舉人官內閣中書有借閒生詩詞

玉漏遲

題孫嫺卿女史停琴仁月圖

纖雲吹盡也圓蟾欲吐光生林罅自解囊琴分付畫簾

休下怪底冰絃帶澀定涼露前宵沾惹清景乍紅蓮池  
沼翠梧庭榭怕是小小流螢慣照近蟲幃晚妝初卸  
篆字香縈逗起秋心無那一自廣寒侶散久閒卻金徽  
慵寫珠淚瀉憶著舊時清夜

夫人諸姊妹皆多才早世

又

題鎮海姚野橋雙詞卷用草窗題夢窗詞集韻

俊才何太少霜腴罷唱吹簫人杳不料逢君重見風流  
襟抱付與金莖豔筆看夢裏江花圍繞休自笑浮名誤  
盡消磨年少年時我亦清狂記幾處亭臺幾回歌嘯  
彈折冰絃同調半歸衰草

謂吳子律李西齊

寂寞心情甚處只

怨著唬春林鳥幽思悄殘編短檠孤照

時輯近人詞

鳳凰臺上憶吹簫

題黃韻甫帝女花傳奇後

瓊樹花殘寶輪月缺故宮遺事淒涼記粉侯初選兵火  
倉皇那更情牽羅綺判永伴繡佛閒房前緣在釵聯鏡  
合重協鸞凰 雕梁西風換了便燕子飛來也感滄桑  
沉深秋人病盡篋衣香一霎曇華墮影應顚顚綠鬢潘  
郎愁中寫新詞一編江夏無雙

八歸

餞秋

偎花蝶瘦黏苔螢冷惆悵送卻秋去登臨別有銷凝意  
還值敗蘆飄雪碎蕉敲雨已是秋人腸欲斷況又是天  
涯羈旅恨不倩萬疊青山遮斷夕陽路 慣惱悲秋宋  
玉秋今歸矣可奈愁偏畱住一聲城角一聲鄰笛訴出  
離情無數鎮倚闌望久石畔微吟庾郎句明朝起煖鑪

酣飲分擘朋箋銷磨閒意緒

蔡春雷

字雲卿青浦人有西虹漁唱詞一卷畫船聽雨集一卷

探春慢

舊院尋春圖爲王春字作

樹老烏棲花殘蝶倦青溪重問游蹟簫局塵封笛牀歌  
冷猶是那時油壁月影團圓在料無分照伊顏色但憑  
舊日流鶯怨情一一偷說前度記曾游歷有六曲闌  
干一重簾額水榭荒涼露臺寥闊難埽新愁堆積鉛淚  
猶傾瀉還惆悵淮流鳴咽樓外垂楊依依是否相識

清平樂

雨僝風僝傳語君知否一枕夜深還未就卻是爲誰消  
瘦南枝春事將闌惜花幾度同看爭得閒時相倚翻

國朝詞綜續編卷七  
教人妬闌干

國朝詞綜續編卷七

錢唐宗景藩子城校栞